

Attaveqarnermut, Avatangiisinut Aatsitassanullu Naalakkersuisoq

Landsstyremedlem for Infrastruktur, Miljø og Råstoffer

**Inatsisartunut ilaasortat: Augusta Salling, Emilie Olsen, Kristian Jeremiassen, Thomas Kristensen aamma Godmand Rasmussen, Kalaallit Nunaanni Inatsisartut / Maani**

§ 36, imm. 1 naapertorlugu apeqqummut nr. 2008-16-imut akissut.

**Kalaallit Nunaata silaannartaani timmisartornermut aammalu Kalaallit Nunaanni mittarfeqarfinnik atuisarnermut nakkutilliineq isumannaallisaanerlu annertusarneqarsinnaaqullugit Naalagaaffimmi oqartussaasunut saaffiginnissallutik Naalakkersuisut pilersaaruteqarpat?**

11.02.2008  
J.nr. 32.99+3

Aallarniutigalugu apeqqutersi, DR-ip piviusulersaarutaata "CIAs danske forbindelse"-p aallakaatinneqareernerani oqallinneq eqqarsaatigalugu paasinartoq naatsorsuutigineqareersorlu pillugu qutsavigaassi.

Apeqqutip Kalaallit Nunaanni mittarfinni isumannaallisaanikkut pissutsit pillugit nassuiaateqarnissamut, taamaalillungalu piviusulersaarutip aallakaatinneqarnerani paatsoornernik erseqqissaanissamut periarfissippaanga.

Postboks 909  
3900 Nuuk  
Oq/tel +299 34 54 00  
Fax +299 34 54 10  
iap@gh.gl  
www.nanoq.gl/iap

Oqallinneq manna sapinngisamik pitsaasumik kinguneqassappat - upernassuseqassappallu - oqaatsip "isumannaallisaaneq"-rup atorineqarnerani aallaaviit assigiinngitsut immikkoortiternissaat pisariaqarpoq.

Aallaavik ataaseq – matumani attuumassuteqartoq – tassaavoq silaannakkut angallannermi isumannaassuseq. Tassani isumannaallisaaneq qulakkeersimaniarlugu periaaserineqartartut pineqarput, ilaasut atortullu assersuutigalugu ajortumee-riniarnermut timmisartulluunniit nakkarnissaanut illersorneqartarlutik. Oqallinnermi matumani qitiusoq alla tassaavoq USA Naalagaaffeqatigiinnut – naalagaaffeqatigiinnilu nunat - oqartussaaffiisa innimiilliofigineqarnerisigut innarligassaanginnerannut nunat tamat akornanni isumaqatigiissutit tunngavigalugit pisussaaffimminik malinninneranut apeqqut.

CIA-p timmisartuisa Kalaallit Nunaanni mittarfimmut mittarnerat aammalu Kalaallit Nunaata silaannartaani timmisarnerat pillugu oqallinneq isumannaallisaanermi tunngavissanut toqqaannartumik attuumassuteqanngilaq.

Taamaattumik akissummi matumani silaannakkut angallannermi isumannaallisaaneq, Mittarfeqarfiit Attaveqarnermut Avatangiisinullu Naalakkersuisoqarfimmit nakkutigineqarluni isumagisaa aallaavigissavara.

Apeqqummut tunngavilersuutitut Kalaallit Nunaanni silaannakkut angallannermi isumannaallisaanermut (security) ajortumee-riniartoqarnissaa pillugu nalunaarut nr. 124, 22. februar 1995-imeersoq innersuussutigarsi. Nalunaarummi silaannakkut

angallannermi isumannaallisaanermut ajortumeeriniartoqarnissaanik pinaveersaartitsinissaq siunertarineqarpoq.

Nalunaarut taanna mittarfinni inunnik, nassatanik, nassiussanik, qamutunik assa-kaasulinnik il.il. mittarfinnik aqqusaarisussanik nakkutilliinissamut iliuusissanut tungaviliivoq, taakkunungalu timmisartut qulimiguullillu mittarfinniittut ilaapput.

Taamaattumik nalunaarummi timmisartuussinerit ataasiakkaat inatsisit malillugit ingerlanneqarnersut, imaluunniit timmisartuussinissaq sioqqullugu akuersissutinik piniartoqarsimasinnaanersoq pineqanngillat.

Mittarfeqarfiit isumannaallisaanermi sullissinerit nalunaarut kiisalu isumannaallisaanermut pilersaarutit akuerisaasut naapertorlugit ingerlappaat. Isumannaallisaa-nermi sullissinerit Statens Lufthavnsvæsen-imit (SLV) nakkutigineqarput, tamanna- lu tungavigalugu akuttunngitsumik misissorneqartarlutik.

Apeqqutissinnut tungavilersuutitut DR-ip piviusulersaarutaa "CIA's danske forbindelse" toqqaannartumik innersuussutigineqarpoq, tassanilu timmisartut toqqartuk- kat Kalaallit Nunaanni mittarfinnut – pingaartumik Narsarsuarmut – missimasut CIA-mut attuumassuteqarsinnaanerat oqaatigineqarpoq.

Mittarfeqarfiit Danmarks Radio-mut allagaatinik takunnissinnaatitaanissamik qinnu- teqarnermigut uppersarsivaat, timmisartut arlallit ukiut arlallit ingerlanerini Kalaallit Nunaanni mittarfinnik atuisarsimasut.

Pisuni tamaginni timmisartuussinerit namminersorluni (oqartussaasunut attuumas- suteqanngitsumik) timmisartuussinertut nalunaarsorneqartarsimapput, taamaattu- millu aamma timmisartutut namminersortunit pigineqartutut sullinneqartarsimallutik. Timmisartuussinerni pineqartuni arlaannaanniluunniit ilaasoqarsimasinnaanera uppersarsineqarsimanngilaq.

Mittarfeqarfiit imaluunniit Naalakkersuisut unioqqutitsilluni timmisartuussisoqarsi- masinnaaneranik pasitsaassisimanngillat, qularineqarsimanngilarli matumani Ame- rikap Europallu akornanni timmisartut teknikkikkut peqquteqarlutik Kalaallit Nu- naannut akunnittut pineqarmata.

Akunnittoqarnissaanut atatillugu timmisartuussinernut pilersaarutini nassiunneqar- simasuni, mittarfiit aqqusaarneqartussat saniatigut naalagaaffiup silaannakkut a- ngallannermut immikkoortortaarfianut nassiunneqarsimasuni, allassimasut tun- ngavigissagaanni timmisartuussinerni inatsisit malinneqarnersut apeqqusissallugit aamma tungavissaqartoqarsimanngilaq.

Tamatumunnga ilassutigalugu aamma oqaatigisariaqarpoq, CIA-p timmisartuussi- nerisut pasitsaanneqartut Narsarsuup mittarfia aqqusaarlugu angallannermi anni- kitsuinnaasut.

Assersuutigalugu Mittarfeqarfinnit oqaatigineqartutut (2006-imut ukiumoortumik nalunaarut) 2006-imi timmisartut 653-it Narsarsuup mittarfia aqqusaarsimavaat.

Danmarks Radiop najoqqutarisamisut saqqummiussai malillugit timmisartunit namminersortunit pigineqartunit akunnissimasunit taakkunanga pingasut CIA-mut attuumassuteqartutut pasitsaanneqarput. Tassaapput 27. september 2006-imi (14.22 tikittoq – 16.02 aallartoq) King Air (N4456A), 28. oktober 2006-imi (10.59

tikittoq – 11.53 aallartoq) King Air alla (N5139A), kiisalu 27. september 2006-imi (15.05 tikittoq – 16.43 aallartoq) Aviocar (N9667BW).

Timmisartut piffissami sivikitsuararsuarmi mittarfimmiissimapput, paasinarporlu timmisartut orsiinnarsimasut aallaqqissimallutillu. Taamaattumillu nalinginnaangit-sumik pasinartumilluunniit iliuuseqartoqarsimanngilaq.

Chicago-mi isumaqatigiissut naapertorlugu timmisartut nunanit allamiunit inuinnar-nillu pigineqartut, naalagaaffimmi isumaqatigiissummut ilaasumi nalunaarsorsima-sut akuersissummik immikkut ittumik peqanngikkaluarlutik danskit (kalaallit ilan-ngullugit) nunaannut taakkunanngaanniillu timmisartorsinnaapput.

Kisiannili nunani allani sakkutuut naalagaaffiillu timmisartuutaasa Naalagaaffeqati-giit killeqarfiinut (killeqarfinnut FIR-inik taaneqartartunut) timmisartunnginnerminni akuersissummik piniaqqaartariaqannginnerannik immikkut isumaqatigiissuteqarto-qarsimanngippat nunani allani sakkutuut oqartussaasulluunniit timmisartui acqu-saarnissaminnut Nunani Allani pissutsinut Ministeriaqarfik aqutigalugu akuerine-qarnissamik qinnuteqartussaapput.

Kalaallit Nunaannut tikittoqassappat, tikittunik misissuineq politiinit isumagineqas-saaq, soorlumi nioqutissat nunap iluanut eqqunneqartut ilanngaaserisunit misis-sorneqartartut.

Nunat tamat akornanni isumaqatigiissutit, soorlu Chicago-mi isumaqatigiissut, tun-gavissaapput, Kalaallit Nunaanni taamatullu Naalagaaffeqatigiinnermi suleqati-giinnermut nunanullu allanut attaveqateqarnermut toqqissisimanartumik avata-ngiiseqarnissamut tunngaviliisussat. Naalagaaffiit inuinnaat timmisartuussinerattut ilusiliillutik timmisartuussissappata, tamanna isumaqatigiissummik atornerluinertut oqaatigineqarsinnaavoq. Apeqqulli tamanna mittarfinni isumannaassutsimut attuu-massuteqanngilaq.

Naalackersuisut isumaqarluinnarput silaannakkut angallassinermi isumannaalli-saannermut tunngasut nunat tamat akornanni periaatsit malillugit Mittarfeqarfiit pitsaanerpaamik ingerlakkaat.

CIA-p Kalaallit Nunaata silaannaatigut, aammalu Kalaallit Nunaanni mittarfiit acqu-tigalugit timmisartortarneranut tunngatillugu ilisimatitsissutigisinnaavara, Naalak-kersuisut suliaq tamanna pillugu naalagaaffimmut saaffiginnissuteqarsimammata, aammalu naalagaaffik suleqatigiissitamik pilersitsisimammat, CIA Kalaallit Nunaat, Savalimmiut Danmarkilu qulaallugit/akunniffigalugit timmisartuussisarnersoq suku-miisumik nassuiaasiortussamik. Naalackersuisut aamma Savalimmiut Naalakker-suisui suleqatigiissitamut ilaasortaatitaqarput.

Mittarfeqarfiit aamma Nunani Allanut Pisortaqarfik § 36 naapertorlugu apeqqutip matuma akineqarnissaanut atatillugu oqaaseqartinneqarput.

Ikinngutinnersumik inuulluaqqusillunga

Kim Kielsen